

“Э-ТРАНС ЛОЖИСТИКС” ХУВЬЦААТ КОМПАНИ

2014 оны 8 сарын 5 өдөр

№ 14/24.

Замын Үүд сум

МОНГОЛЫН ХӨРӨНГИЙН БИРЖ-д

Үйл ажиллагааны тайлан хүргүүлэх тухай

Санхүүгийн Зохицуулах Хорооны “Үнэт цаас гаргагчаас мэдээллийг нийтэд тогтмол хүргэх тухай журам”-ын 2.2 дах заалтад заасны дагуу 2014 оны хагас жилийн үйл ажиллагааны тайланг хүргүүлж байна.

Хавсаргасан материалын жагсаалт:

1. 2014 оны хагас жилийн үйл ажиллагааны тайлан



Э-ТРАНС
ЛОЖИСТИКС ХҮНДЭТГЭСЭН,
ХТ-УЗ-ИЙН ДАРГА

..... / Ч.ЭНХБОЛД /

“Э-ТРАНС ЛОЖИСТИКС” ХК-ИЙН 2014 ОНЫ ХАГАС ЖИЛИЙН

ҮЙЛ АЖИЛЛАГААНЫ ТАЙЛАН

I. ТАЙЛАНГИЙН ЭХНИЙ ХЭСЭГ

1. Үнэт цаас гаргагчийн нэр, оршин суугаа хаяг:

Хаяг: Дорноговь аймаг, Замын үүд сум, 1-р баг 10-р хэсэг, Э-Транс ложистикс ХК-ийн байр

Утас: 02524543813, 99117636

Электрон хаяг: etranslog.mn

2. Хуулийн этгээдийн улсын бүртгэлийн мэдээлэл

Компанийн нэр: “Э-Транс Ложистикс” ХК

Улсын бүртгэлд бүртгэсэн огноо: 2011.11.06

Улсын бүртгэлийн дугаар: 9010001107

Регистерийн дугаар: 3309665

Үйл ажиллагааны чиглэл: Ачаа шилжүүлэн ачих

Хувьцаа эзэмшигчдийн тоо: 355 хувьцаа эзэмшигчидтэй. /2014 оны 3 сарын 14-ны өдрийн тархалтын судалгаа/

3. Үнэт цаас гаргагчийн зорилго, үйл ажиллагааны стратеги, түүний хэрэгжилтийн талаарх мэдээлэл:

Манай терминал нь Монгол улсыг Хятадтай холбосон хамгийн том боомт Дорноговь аймгийн Замын-Үүд боомтод байрладаг. Одоогийн байдлаар Хятадаас ачааны машинаар тээвэрлэгдэн импортоор орж ирж буй барилгын материал болон төрөл бүрийн ачааг вагонд, вагоноор ирж буй нүүрс, арьс шир, бусад төрлийн экспортын ачаа барааг ачааны машинд шилжүүлэн ачих үйлчилгээ үзүүлж байна. Эрээнээс бараа бүтээгдэхүүн оруулж ирж буй хэрэглэгчид гаалийн хяналтын бүсээр нэвтэрсний дараа ачаагаа 100м-ийн зайд байрлах терминалд хүлээлгэн өгч, түүнийг Улаанбаатар, Дархан, Эрдэнэт өөр бусад хүссэн газраасаа хүлээн авах боломжтой байдаг.

Замын-Үүд боомтоос БНХАУ-руу гарах хилийн хаалгаас 100 метрийн зайд байрладаг ба хэрэглэгчдэд маш тохиромжтой байрлал юм. Ачаа ачсан хүнд даацын машинууд Төмөр замын шилжүүлэн ачих өртөө /ШАӨ/-д хүрэхэд маш муу замаар явж хүрдэг нь тэдний цаг хугацаа, шатахууны зардлыг нэмэгдүүлдэг.

Дараах хүчин зүйлс нь Терминалыг үр ашигтай ажиллахад нөлөөлж байна.

- Ачаа тээвэрлэлтийн тасралтгүй өсөлт
- Хэрэглэгчдэд хамгийн тохиромжтой байрлал
- Өндөр үр чадвартай менежмент
- Хятадын талтай хамтран Эрээнээс Замын-Үүдэд эсвэл Улаанбаатарт хүрэх тээврийн үйлчилгээгээр хангах
- Хамтран ажиллах тааламжтай нөхцөл гэх мэт олон хүчин зүйлс нь үр ашигтай ажиллах, зах зээлд эзлэх байр суурийг нэмэгдүүлж байна.

Бид цаашид тээвэр ложистикийг бүрэн утгаар нь хөгжүүлэн, олон улсыг холбосон тэргүүлэх зэрэглэлийн терминалыг Монголд бий болгох, Ачаа шилжүүлэн ачихад цаг хугацаа, ажиллах хүч хэмнэх, үйл ажиллагааг хялбарчлах үүднээс зарим механикжуулалтыг нэвтрүүлж, Вагонд ачих ачааны нэр төрлийг олшруулан, өөрийн нөөц бололцоог ашиглан бүхий л төрлийн вагонд ачилт хийж, вагоны цаг ашиглалтыг багасгах, сул зогсолт гаргахгүй байх, ажлын хариуцлагыг нэмэгдүүлэх тал дээр ачаа тээврийн ажилтнуудын үүрэг хариуцлагыг нэмэгдүүлж үндсэн үйл ажиллагааг сайжруулан ажиллахаар зорилт тавин ажиллаж байна.

4. Үнэт цаас гаргагчийн түүх, тухайн зах зээлд эзэлж буй байр суурь, судалгаа:


Э-Транс Ложистикс ХХК-ийн толгой компани болох Э-Транс ХХК нь 1997 онд 1 гишүүнтэйгээр байгуулагдсан. Тус компани нь төмөр зам, авто зам, агаар, далайн тээвэрлэлтийн чиглэлээр үйл ажиллагаа явуулдаг. Дэлхийн 5 тивд ложистикийн байгууллагуудтай төлөөллийн гэрээгээр хамтран ажилладаг. Улаанбаатар хотод төв оффис, Замын-Үүд, Сүхбаатар хотод салбартай. Бизнесийн үндсэн чиглэл нь Орос, Хятадын хооронд Монголоор дамжуулан тээвэрлэх транзит тээврийн үйл ажиллагаа юм.

2007 оноос Ачаа шилжүүлэн ачих терминал байгуулахаар төсөл хэрэгжүүлж эхэлсэн бөгөөд уг терминал нь 2009 онд ашиглалтанд орсноор үйл ажиллагаагаа явуулж байна.

2010 онд Э-Транс ХХК нь ачаа шилжүүлэн ачих терминалын үйл ажиллагаагаа тусгаарлан Э-Транс Ложистикс ХХК-д шилжүүлсэн. 2011 онд шилжүүлэн ачих терминалын үйл ажиллагаагаа өргөжүүлэн олон төрлийн ачааг шилжүүлэн ачиж эхэлсэн.

“Э-Транс Ложистикс” ХК нь орон тооны 30 ажилчин, өдөрт орон тооны бус 70-80 ачигч нарыг ажлын байраар ханган, гаалийн хяналтын бүс, орон нутгийн ачилтын талбай, төв оффисын үйл ажиллагаанд 24-н цагийн турш байнгын хяналт тавих харуул хамгаалалтыг нэг ээлжиндээ 5 хамгаалагчтай байхаар зохион байгуулан гэрээт харуул хамгаалалтын үйл ажиллагаа эрхэлдэг Бодь санаа ХХК-тай хамтран ажиллаж байна.

5. Үнэт цаас гаргагчийн бараа бүтээгдэхүүн, үйлчилгээний зах зээлд гарсан томоохон өөрчлөлт, үүнтэй холбоотой үүсч болох эрсдлийн тухай мэдээлэл:



Ачилтын тоон судалгаа

Огноо	2012 ачсан вагоны тоо	2013 ачсан вагоны тоо	2014 ачсан вагоны тоо
1-р сар	194	228	170
2-р сар	116	95	70
3-р сар	265	262	371
4-р сар	303	403	301
5-р сар	351	360	291
6-р сар	442	463	308

Дээрхи графикаас харахад ачааны ерөнхий хандлага өсөлт бууралтын хувьд бага хэлбэлзэлтэй байгаа ба 3-р улирлаас нэмэгдэх хандлага ажиглагдаж байна. Энэ онд 2012 он болон 2013 оын хувьд үндсэн үйл ажиллагаагаа эрчимжүүлэх, өмнөх оны үйл ажиллагааны түвшинд хүрэх, нэмэгдүүлэх зорилтыг тавин ажилласан боловч улс орны эдийн засгийн хэлбэлзэл, иргэд, аж ахуйн нэгж, байгууллагын худалдан авах чадвараас шалтгаалан үйл ажиллагаа тодорхой түвшинд огцом буурсан үзүүлэлттэй гарч байна. Гэвч цаашид ачилтыг нэмэгдүүлэх, өөр төрлийн ачаа барааны тээвэр, гар ажиллагааг механикжуулах, гэх мэт олон арга хэмжээ авч ажиллаж байна.

Манай компани нь ОХУ-ын LARGUS компанитай хамтран 45,5 метрийн урттай салхин сэнсний хадгалалт, тээвэрлэлтийн эхний ээлжийн ачилтыг амжилттай ОХУ- руу тээвэрлэн явуулж, цаашид салхин сэнсний тээвэрлэлтийг хариуцан явуулахаар өөрсдийн нөөц бололцоог ашиглан ажиллаж байна. 2013 оны 09-р сарын 20-ны өдрийн Гаалийн ерөнхий газрын даргын А/193 тоот тушаалаар 1,2-р агуулахуудыг техник тоног төхөөрөмж, бүх төрлийн бараа материалыг хадгалах зориулалттай нээлттэй гаалийн баталгаат агуулахаар зарлуулан замын үүдэд анхны гаалийн баталгаат агуулахыг ажиллуулж эхлээд байна. Цаашид гадаад дотоод харилцааг нэмэгдүүлэх тал дээр гүйцэтгэх удирдлагын зүгээс олон талт арга хэмжээг авч ажиллаж байна.

6. Үнэт цаас гаргагчийн хяналтыг жинхэнэ хэрэгжүүлэгч этгээдийн талаарх мэдээлэл:

Компанийн хяналтын багц эзэмшигчдийн мэдээлэл

№	Овог нэр	Албан тушаал	Хувьцааны хувь
1	Э-Транс ХХК	Ачаа тээврийн компани	50%
2	Монголиан Транспортэйшн Холдинг ХХК	Хөрөнгө оруулалтын сан, Люксембургын вант улс	29%

7. Үнэт цаас гаргагчийн удирдлага, эрх бүхий албан тушаалтны танилцуулга:

№	Овог нэр	Албан тушаал	Боловсрол	Ажлын туршлага
1	Чулуун овогтой Энхболд	ТУЗ-ийн дарга	Дээд	Э-Транс ХХК Ерөнхий захирал
2	Чулуун овогтой Амарсанаа	ТУЗ-ийн гишүүн	Дээд	Э-Транс Ложистикс ХК Гүйцэтгэх захирал
3	Санжмятав овогтой Отгонбаяр	ТУЗ-ийн гишүүн	Дээд	Э-Транс ХХК, Ерөнхий менежер
4	Сэджав овогтой Санжаа	ТУЗ-ийн гишүүн	Дээд	Мэдээлэл Аудит ХХК, Мэргэжилтэн
5	Баярсайхан овогтой Пүрэвбаатар	ТУЗ-ийн гишүүн	Дээд	"Си Би Эм" ХХК, Санхүүгийн шинжээч
6	Бадан овогтой Батбаатар	ТУЗ-ийн гишүүн	Дээд	"Си Би Эм" ХХК, Гүйцэтгэх захирал
7	Бүрэнмэнд овогтой Лхагвадорж	ТУЗ-ийн гишүүн	Дээд	БиДиСек ХК Тэргүүн дэд захирал
8	Ариунболд овогтой Батболд	ТУЗ-ийн гишүүн	Дээд	"Оптималь проект" ХХК захирал
9	Халтар овогтой Батхишиг	ТУЗ-ийн гишүүн	Дээд	Нефть Ойл ХХК, Гүйцэтгэх захирал
10	Ганболд овогтой Гэрэлт-Од	ТУЗ-ийн нарийн бичиг	Дээд	

8. Үнэт цаас гаргагчийн нийт гаргасан хувьцааны 5 болон түүнээс дээш хувийг эзэмшигчийн мэдээлэл

№	Овог нэр	Албан тушаал	Хувьцааны хувь
1	Э-Транс ХХК	Ачаа тээврийн компани	50%
2	Монголиан Транспортэйшн Холдинг ХХК	Хөрөнгө оруулалтын сан, Люксембургын вант улс	29%

II. ТАЙЛАНГИЙН ХОЁРДАХЬ ХЭСЭГ

1. Санхүүгийн тайлангийн үзүүлэлт

Компанийн 2012, 2013, 2014 оны орлогын тайлангийн үзүүлэлтээс зэрэгцүүлэн үзвэл:

/сая.төгрөгөөр/

Үзүүлэлт	2012 он	2013 он	2014 он 2р улирал
Борлуулалт	5802,2	5428,4	2275,8
Борлуулалтын хөнгөлөлт	-	-	-
Цэвэр борлуулалт			
Борлуулсан бүтээгдэхүүний өртөг		4429,1	1708,4
Нийт ашиг		999,3	567,4
Үйл ажиллагааны зардал	5628,7	842,2	489,9
Үйл ажиллагааны ашиг /алдагдал/	173,56	157,1	77,5
Үйл ажиллагааны бус зардал		74,7	0,53
Татвар төлөхийн өмнөх ашиг /алдагдал/	111,9	82,3	77,8
Орлогын татварын зардал	16,0	9,1	7,8
Цэвэр ашиг, алдагдал	95,9	73,2	70,01

Компанийн 2012, 2013, 2014 оны хөрөнгө, эх үүсвэрийн тэнцлийн үзүүлэлтээс зэрэгцүүлэн үзвэл:

/сая.төгрөгөөр/

Хөрөнгө, өр төлбөрийн үзүүлэлтүүд	2012 он	2013 он	2014 он 2р улирал
Эргэлтийн хөрөнгө	71,7	131,9	99,8
Эргэлтийн бус хөрөнгө	6676,7	6549,7	6429,8
Нийт хөрөнгийн дүн	6748,7	6681,6	6529,6
Богино хугацаат өр төлбөр	989,8	849,5	627,5
Урт хугацаат өр төлбөр	0	0	
Эзэмшигчдийн өмчийн дүн	5758,8	5832,1	5902,1
Өр төлбөр, эзэмшигчийн өмчийн дүн	6748,7	6681,6	6529,6

2. Компани нь 2014 оны хагас жилийн байдлаар 305.1 сая төгрөгийн хуримтлагдсан ашигтай байгаа ба өөрийн хөрөнгийн хэмжээ нь хувь нийлүүлсэн хөрөнгийн хэмжээнээс их байна.

3. Үнэт цаас гаргагчийн удирдлага, эрх бүхий албан тушаалтны цалин, урамшууллын хэмжээ, тэдгээр нь үнэт цаас эзэмшдэг талаархи мэдээлэл:

№	Овог нэр	Цалин урамшууллын хэмжээ	Хандив тусламжийн хэмжээ	Бусад	Эзэмшиж буй хувьцааны тоо
1	Чулуун овогтой	0₮		ТУЗ-ийн дарга	Эзэмшдэггүй

	Энхболд				
2	Чулуун овогтой Амарсанаа	Сарын 1.000.000₮		ТУЗ-ийн гишүүн, Гүйцэтгэх захирал	Эзэмшдэггүй
3	Санжмятав овогтой Отгонбаяр	0₮		ТУЗ-ийн гишүүн	Эзэмшдэггүй
4	Сэджав овогтой Санжаа	0₮		ТУЗ-ийн гишүүн	Эзэмшдэггүй
5	Баярсайхан овогтой Пүрэвбаатар	0₮		ТУЗ-ийн гишүүн	Эзэмшдэггүй
6	Бадан овогтой Батбаатар	0₮		ТУЗ-ийн гишүүн	Эзэмшдэггүй
7	Бүрэнмэнд овогтой Лхагвадорж	0₮		ТУЗ-ийн гишүүн	Эзэмшдэггүй
8	Ариунболд овогтой Батболд	0₮		ТУЗ-ийн гишүүн	Эзэмшдэггүй
9	Халтар овогтой Батхишиг	0₮		ТУЗ-ийн гишүүн	700,000ширхэ г, 1,5%
10	Ганболд овогтой Гэрэлт-Од	Сарын 20.000₮		ТУЗ-ийн нарийн бичиг	Эзэмшдэггүй

4. Ногдол ашгийн талаархи мэдээлэл

Компани нь өөрийн үйл ажиллагааг өртгөтгөх зорилгоор эргэлтийн хөрөнгийг нэмэгдүүлэх тал дээр анхаарч Хас банкнаас зээл авсан ба зээлийн нөхцөл байдлаас шалтгаалан ногдол ашиг олгоогүй байна.

5. Компанийн тухай хуулийн 87, 89 дүгээр зүйлд заасан их хэмжээний болон сонирхлын зөрчилтэй хэлцэл хийсэн эсэх талаархи мэдээлэл

Компанийн тухай хуулийн 87, 89 дүгээр зүйлд заасан их хэмжээний гэрээ хэлцэл хийгдээгүй болно.

6. Үнэт цаас гаргагчийн ТУЗ, дэд хороодын үйл ажиллагааны тайлан

	овог, нэр	Эрхэлдэг ажил	Эзэмшсэн мэргэжил, боловсрол	Эзэмшиж байгаа хувьцааны тоо, хувь	Хараат бус гишүүн эсэх
1	Чулуун овогтой Энхболд	Э-Транс ХХК Ерөнхий захирал	Ленинградын Төмөр замын дээд сургууль, Төмөр замын инженер	Эзэмшдэггүй	Энгийн
2	Чулуун овогтой Амарсанаа	Э-Транс Ложистикс ХК Гүйцэтгэх захирал	ЗХУ-ын Свердловск хотын Уулын дээд сургууль, Уулын инженер	Эзэмшдэггүй	Энгийн
3	Санжмятав овогтой Отгонбаяр	Э-Транс ХХК, Ерөнхий менежер	Худалдаа үйлдвэрлэлийн дээд сургууль, Бизнесийн удирдлага	Эзэмшдэггүй	Энгийн
4	Сэджав овогтой Санжаа	Мэдээлэл Аудит ХХК,	Санхүү Эдийн Засгийн Техникум	Эзэмшдэггүй	Энгийн

		Мэргэжилтэн			
5	Баярсайхан овогтой Пүрэвбаатар	“Си Би Эм”ХХК, Санхүүгийн шинжээч	University Tomas Bata in Zlin8 Czech Republic, Business Administration	Эзэмшдэггүй	Энгийн
6	Бадан овогтой Батбаатар	“Си Би Эм”ХХК, Гүйцэтгэх захирал	The George Washington их сургууль, Бизнесийн удирдлага	Эзэмшдэггүй	Энгийн
7	Бүрэнмэнд овогтой Лхагвадорж	БиДиСек ХК Тэргүүн дэд захирал	ШУТИС, Нефтийн инженер	Эзэмшдэггүй	Хараат бус
8	Ариунболд овогтой Батболд	“Оптимальный проект”ХХК захирал	Санкт-Петербургийн төмөр замын дээд сургууль	Эзэмшдэггүй	Хараат бус
9	Халтар овогтой Батхишиг	Нефть Ойл ХХК, Гүйцэтгэх захирал	ШУТИС, Нефтийн инженер	700,000ширхэг, 1,5%	Хараат бус

Компани нь 2014 оны 04 сарын 28-ны өдөр “Хувьцаа эзэмшигчдийн ээлжит хурал”-ыг зарлан хуралдуулж, ТУЗ-ын гишүүдийг сонгосон бөгөөд 2014 оны 04 сарын 29-ний өдөр ТУЗ-ийн хурлыг хуралдуулан ТУЗ-ийн дэргэдэх хороодыг дараах бүрэлдэхүүнтэйгээр томилсон.

- Төлөөлөн Удирдах Зөвлөлийн дэргэдэх Аудитын хороог Б.Батбаатар, А.Батболд, Б.Лхагвадорж гэсэн бүрэлдэхүүнтэйгээр байгуулан, Аудитын хорооны даргаар ТУЗ-ийн хараат бус Б.Лхагвадорж гишүүнийг томилсон.
- Төлөөлөн Удирдах Зөвлөлийн дэргэдэх Цалин, урамшууллын хороог Ч.Энхболд, С.Санжаа, Б.Лхагвадорж гэсэн бүрэлдэхүүнтэйгээр байгуулан, Цалин, урамшууллын хорооны даргаар ТУЗ-ийн гишүүн Ч.Энхболдыг томилсон.
- Төлөөлөн Удирдах Зөвлөлийн дэргэдэх Нэр дэвшүүлэх хороог Ч.Энхболд, Х.Батхишиг, С.Санжаа гэсэн бүрэлдэхүүнтэйгээр байгуулан, Нэр дэвшүүлэх хорооны даргаар ТУЗ-ийн гишүүн Ч.Энхболдыг томилсон.

Компанийн Төлөөлөн Удирдах Зөвлөл нь 2014 онд 3 удаа хуралдсан бөгөөд тогтоол шийдвэрүүдийг гарган ажиллаж байна.

7. Үнэт цаас гаргагчийн гүйцэтгэх удирдлагын үйл ажиллагааны тайлан

Тус компани нь 2014 онд үндсэн үйл ажиллагаагаа эрчимжүүлэх, өмнөх оны үйл ажиллагааны түвшинд хүрэх, нэмэгдүүлэх зорилтыг тавин ажилласан боловч улс орны эдийн засгийн хэлбэлзэл, иргэд, аж ахуйн нэгж, байгууллагын худалдан авах чадвараас шалтгаалан үйл ажиллагаа тодорхой түвшинд огцом буурсан үзүүлэлттэй гарч байна. Үүнийг дэлгэрэнгүй авч үзвэл 2014 оны 2-р улирлын байдлаар 1511 вагонд ачилт хийсэн. Үйлчлүүлэгчдээс нийт 1,931,788.0 мянган төгрөгний орлого хүлээн авч УБТЗ-ын тээврийн хөлсөнд 1,708,410.7 мянган төгрөгийг тушаасан.

2013 оны 09-р сарын 20-ны өдрийн Гаалийн ерөнхий газрын даргын А/193 тоот тушаалаар 1,2-р агуулахуудыг техник тоног төхөөрөмж, бүх төрлийн бараа материалыг хадгалах зориулалттай нээлттэй гаалийн баталгаат агуулахаар зарлуулан, Үүнтэй холбогдуулан 2014 оныг 1-р сараас гаалийн агуулахын улсын байцаагчийн өрөөг шинээр тохижуулан ажиллах нөхцөл бололцоогоор ханган ажиллаж байна.

Гадаад харилцааг өргөжүүлэх ачаа тээврийн төрлийг нэмэгдүүлэх зорилгоор ОХУ-ын LARGUS компанийн салхин сэнсний тээвэрлэлт хадгалалтыг хариуцан

ажиллаж байна. Хэдийгээр уг тээврийг өөрийн салбар замаас явуулахад өрсөлдөгч тал их байгаа боловч эхний ээлжийн ачилтыг амжилттай явуулж харилцагч талаас манайхтай хамтран ажиллах санал тавьж байгаа нь бидний ажлын амжилтыг үр дүн болно.

Мөн 2014 оны Ногоон байгууламж байгуулах хүрээнд, буйлс, шар хуйас, гацуур, 4-н төрлийн 5000 ширхэг суулгац суулган өөрсдийн талбайг Ногоон-Төгөл болгох зорилт тавин ажиллаж байна. Компанийн ажилчдын мэргэжил боловсролыг дээшлүүлэх тал дээр анхаарч, мэргэжлийн сургалтанд хамруулж ажиллаж байна.

III. ТАЙЛАНГИЙН ГУРАВДАХЬ ХЭСЭГ

Компани нь 2014 оны 04 сарын 28-ны өдөр Хувьцаа эзэмшигчдийн ээлжит хурлыг зарлан хуралдуулснаар дараах асуудлыг шийдвэрлэсэн.

1. Компанийн 2013 оны үйл ажиллагааны тайлан
2. Компанийн 2013 оны санхүүгийн тайлан, хараат бус аудитын дүгнэлт
3. Компанийн аудитын хорооны тайлан
4. 2014 оны ажлын төлөвлөгөөг батлах
5. ТУЗ-ийн энгийн болон хараат бус гишүүдийг сонгох
6. ТУЗ болон гүйцэтгэх удирдлагын 2014 оны зардлын төсвийг батлах
7. Ногдол ашиг тараах эсэх

Компани нь 2013 оны 04 сарын 29-ний өдөр Хувьцаа эзэмшигчдийн ээлжит хурлыг зарлан хуралдуулснаар дараах асуудлыг шийдвэрлэсэн.

1. Компанийн санхүүгийн тайлан, түүнд хийгдсэн хараат бус аудитын дүгнэлт
2. Компанийн 2012 оны бизнес үйл ажиллагааны тайлан
3. Компанийн 2013 оны бизнес төлөвлөгөөг батлах
4. Компанийн аудитын хорооны тайлан
5. ТУЗ-ийн гишүүдийг сонгох
6. ТУЗ, Гүйцэтгэх удирдлагын зардлын төсөв
7. Ногдол ашиг тараах эсэх

Компани нь 2012 оны 04 сарын 30-ны өдөр Хувьцаа эзэмшигчдийн ээлжит хурлыг зарлан хуралдуулснаар дараах асуудлыг шийдвэрлэсэн.

1. Компанийн санхүүгийн тайлан, түүнд хийгдсэн хараат бус аудитын дүгнэлт
2. Компанийн бизнес үйл ажиллагааны тайлан, 2012 оны бизнес төлөвлөгөө
3. Хувьцаа гаргах замаар татан төвлөрүүлсэн хөрөнгийг зарцуулах тухай
4. Компанийн дүрмийн шинэчилсэн найруулга
5. Компанийн засаглалын 5 журам
6. ТУЗ-ийн гишүүдийг шинээр сонгох
7. ТУЗ-ийн зардлын төсвийг батлах
8. Бусад